ريّض يناعي البين لا تكلها راح حسين حسّت وجت امولوله يوليدي تصرخ معوله لا تكلها راح حسين

حين الدخل يثرب ابن حذام شخلها بصوت النواعي زلزل الدور بأهلها وام البنين امن اسمعت نعيه ذهلها تُعنّت بالمها والدمع ينصب من العين

برزت الحرّه مْن الخدر اتصعد انفاس تِعشر وتنهض لا وعي بيها ولا احساس نار ابگلبها اموجّره تسايل يهالناس دلّوني درب الناعيه ناعيها في وين

صيحه ونوايح هالخلگ ماتمه اصفوف تخطّت الوادم والگلب يرجف من الخوف تحدنّت ابشر تسايله شصاير بلطفوف نعيك عليمن خايفه النعيه على حسين

بس من عرفها ام البنين الناعي احتار عاين الحالتها وجرت دمعاته مدرار چنها على كف الأجل تتركب اخبار كل همها بحسين وأنا أبدى لها امنين

جاوبها وگعة كربلا ما بقّت اخوان كِلهم گضوا جعفر وعبدالله وعثمان وبس عظّم اليها الأجر ابگمر عدنان تراعش بدنها وتنشده گلي عن حسين گل ألها لحسين انچتل يم الأماجيد وضعنه گريب امن الوطن عنچ مهو بعيد عود بلا حسين اوبلا اخوانه الصناديد البكه ابراسح بالگضوا بالطف مطاعين

بانت علامات الأسبى والحسره بيها خرّت على الأرض ابحزن زايد بچيها يبني تصيح امألّمه ما حد إليها ودها تموت اولا تعيش ابغصة البين

إشتد وجعها والصدر عالي نحيبه انياط الكلب متكطّعه بهاي المصيبه محني الضلع منها ومدامعها سجيبه واخجلتي تصيح العذر لامّ الميامين

مفجوعه وجروح الكلب ما ظنّت اتطيب كطعت أملها والرجا المعروفه بالطيب راح اللي چان ابحضرته تتنفس الطيب هيّج عواطفها الفكِد هاي ام لبنين

من اشرف حسب واعرق نسب واكرم عشيره طِيبة أصل عفّه اوعكل هدي وبصيره يحمّ الوفا والتضحيه واصفى سريره أجرج على الله والنبي وستّ النساوين